



26. 465.

QVÆSTIO MEDICA

QVOD LIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

dic Iovis 21. Ianuarij.

M. NICOLAO CAPPON,

DOCTORE MEDICO, PRÆSIDE.

Est ne cunctius natura opus Crisis?

I.

VIVENTIS caduca, quia non una, constitutio divisit jura naturæ, valetudo ulli vix solida & integra, causaria pluribus, & in morborum genus omne facili flexu. Illinc sola regnat, hinc cum arte sic regnum dividit, ut præsit semper, nihilque eius ingratius cedat in commoda valetudinis; sic ut *φύσιν ἀφαιρία* nulla vitæ fors fugiat, dumque inaspectabilis saluti consulit, opere & eventu se prodit; quin imò nihil usquam haberet ars operæpretij, si semper & ubique regnaret; illius nempe fundi est princeps vitæ tutela & gratia recipere salutis, quam facit aut destruit primorum corporum humorumve ad *κρίσιν & μεταβολήν* vitæ officij idoneus alienusve commensus; Illinc vitæ à carceribus ad metam æqua securitas integritasque, hinc querelas dubiæ primùm valetudinis morbus excipit & vrget, sicque regno naturam exuit ut nusquam interregnum sustineat mortalitatis conditio.

II.

VIDEN quot in sanis naturæ artes, quot opera, omnia perpulchra, omnia circumscripta ac definita, omnia in *ψυχῇ*. Vident ut naturæ vires in uno hepate sitæ ad nutritionem & ortum, in corde ad vitæ lares, in cerebro ad motum sensumque & principis animæ munia, cæterarumque partium, ac totius *ὅλον* indefesso opere allaborent: una tamen & prima vitalis animalisquæ functio-

nis *μοῖρα* labéſce ab officinâ manat naturali, ubi nempe huius facit vitium *δι.ίμης*, inde fundi calamitas venit, morborúmque semina *συγκρίσις* aut *δυσκρίσις* intestino errore surgunt ac sobolescent, hinc omnis qui naturam exercet labor quæque excoquit sollicitudo, quò profutura bonæ frugi reddat, nocitura secernat & extra corporis limen curet temporius deportari, ita etiâ in sanis *κρίσι* medicatur ijsdémque uſa legibus ſanitatē tuetur membris & revocat.

III.

CRISIM namque neu audias modò omnem quæ vi ac subitò in morbis mutationem ad salutem aut ad mortem; perenne siquidem quo natura agitur studium *δυσκρίσις* in oculos haud semper incurrit. Crisis etiâ ex occultò nonnunquàm dùm fit latet fallitque moræ tædium morbi *λύσις*, aut *μαζίνσι* omnis eius sine sensu impetus elangueſcit vinciturque; quinetiam interdum per tristiores quæſitæ salutis vindiciæ morbum morbo quum redimit *μεταίσι* speciem quamdam subitæ crisis adûmbrat ac repræſentat. Nihilominùs nuſquàm luculentiorē documento ſibi vindicat & tuetur principem titulum medicatrici, quàm cùm decretorio conflictu ſimul & ſemel apertâ vi cum humore morbifico cernit; & ſi non quivis morbus tantùm laboris & contentionis requirat ſemper aut ferat, parvus non tanti eſt ut naturam ad certamen provocet, nec vllam ad criticum congreſſum ipſi copiam facit ultimi vis malefici in *κακουργίς*. Crisis modum humoris alia atque alia indoles, morbi *ἔδος*, affectæ partis natura, ſitus, conſenſus variò deſtinat temperat & regit. *κρίσις* *ἐκκρίσις* paratiſſimus ut cedat bilioſus ſeroſuſque, ubi *πτασις* ille, is *πτασις* ſuccedaneâ *ἐκκρίσις* dedititiis ſubierit, ſi par naturæ votis robur reſpondeat, ſecus *κρίσις* *ἀπόκρισις* ubi alieni fucci *ἀπερμένει*, *βεαδύπριον*, *δυσδυσφορίαν* & *δυσυποβόαν* limo & fœce gravis laborat, undè hæc contumaces & diuturnos affectus manet crisis, illa acutos & naturæ faciles.

IV.

NEC tùm verò otioſa ſerías agit ars medentis, cuius provinciæ procuratio haud exigua imò tota ire in ſtudia naturæ, illique maturiùs conſulere, ac obſtetricari tandem criſim conanti, quod ſuarum modò eſt partium is teneat, immœne ac capitale facinus ducat ſemper, prima inter morbi cunabula momentòſo huic illius negotio prævortier & præcipiti purgatione provt Hippocratis lege cautum eſt *παρασκευάζουσαι* occupare, quod plerique non impunè faciunt nullâ habitâ naturæ *παρασκευάζουσαι* opportuniò curantis reverentiâ, vel dicrum temporúmve religione quibus illa ſemper

ducitur, morbus verò quò capitalior eò renunciat magis, satis pro
munere habet Medicus humorum adornare *παρασκευάζειν*, lentorem in-
cidere, tenuare crassitiem, vias laxare, providùmque desideratissi-
mæ *δυσφορίαι* quod oneri futurum aut viarum impedimento tempe-
stivè statisque naturæ legibus & exemplo subducere, ac tandem
ubi ipsa in procinctu est velut excubantem & in statione positum
παύειν agere. sic artis & naturæ divisum imperium suas habet pati-
túrque vices.

V.

DOMINAM *δυναστεύειν*, magistrā *αὐτοδίδακτον* ars ministra licet
interdum anteit, sæpenuerò sequitur, comitatur semper.
Suis quidem quæ excidère commissuris ossa aptat vnâ & vinculis
continet, fracta legit ac componit, diducta vulnorum labra addu-
cit, fibulis, acu, lino colligat gentili. Natura robore complet il-
lius opus & perficit, gratuito ferrumine quovis ceromate melior,
vna solidat, cava explet, obducit cicatrice. Si conciliandi in gra-
tiam ab alienati humores, cogendi in ordinem, alternantibus ope-
ris hæc & illa præstò est; alterandis, concoquendis, reddendisque
antiquæ legi vacat utraque: In consentanea loca ab imis ars de-
vocat recessibus salutares prætendens *τῶν χεῖρας*, evocatos copiam
ἐκκρίνω & orgasmo feroces qua data porta natura confestim (si po-
tis est) *ἀπὸ τοῦ ἐκλύπας* expurgat, vel in angiportu fideli custodia se-
ponit ad tempestivam discessionem. Tantæ molis opus ex eventu
mirere, summa morbi & valetudinis tam brevi intervallo dividi &
conjungi, cuius presentariæ gratiæ beneficium ad utramque redit,
quando sic huic illique incumbit *ἐπιμελεῖσθαι* resque ægri concordii
operâ magistrâ arte ab æstu & jactatione reslantis morbi in vado
collocare.

Non est ergo vnius nature opus Crisis.

DOMINI DOCTORES DISPUTATVRI.

M. Nicolaus Rainfant.

M. Antonius Ruffin.

M. Ioannes Garbe.

M. Iacobus Boujonnier.

M. Petrus Pourret.

M. Paulus Courtois.

M. Ioannes Grout.

M. Antonius de Cæn.

M. Petrus Moriau.

Proponebat Lutetiæ PHILIPPVS MATHON Abbavillæus.
A. R. S. H. M. D. C. LXVI.